

Uunga siunnersuut: Nunalerineq pillugu Inatsisartut Inatsisaata allanngortinneqarneranik Inatsisartut inatsisaat nr. xx,xx. 2011-imeersooq

(Nunalerineq pillugu Siunnersuisoqatigiinni ilaasortat allanngortinneqarnerat)

Saqqummiussissut

(Aalisarnermut, Piniarnermut Nunalerinermullu Naalackersuisoq)

Siullermeerneqarnera

Nunalerineq pillugu Inatsisartut inatsisaata allanngortinnissaanut siunnersuut Naalackersuisut sinnerlugit matumuuna saqqummiutissavara.

Siunnersuutip kingunerissavaa Nunalerineq pillugu Siunnersuisoqatigiit inuttalersorneqarnerata allanngornissaa. Allannguutillu kingunerissavaat Kommune Kujalliup ilaasortatut toqqartagai marlunnut ikilinissaat. Taassuma saniatigut ilaasortaq Danmarkimi Fødevarestyrelsen toqqartagaa Namminersorlutik Oqartussat uumasunik nakkutilliisoqarfiata toqqartalissavaa. Nunalerinermi tunisassiat amerlanerpaartaat nunatsinni tunineqartarnerat pissutigalugu uumasunik nakkutilliisoqarfik Fødevarestyrelsimut sanilliullugu siunnersuisoqatigiit suliiaanik ikiutaanerusinnaassaaq. Nunalerineq pillugu Siunnersuisoqatigiit inassuteqarnerat naapertorlugu siunnersuisoqatigiit inuttaqarnerata qanoq innera allanngortinneqassaaq.

Naalackersuisut kissaatigaat Nunalerineq pillugu Siunnersuisoqatigiit nunalerineq pillugu suliassani siunnersuisassasooq. Taamaattumillu siunnersuutigineqassaaq Nunalerineq pillugu Siunnersuisoqatigiiffiup suliffeqarfimminik nammineerluni ingerlatsinera atorunnaarsinneqassasooq. Nunalerineq pillugu Siunnersuisoqatigiiffiup suliffeqarfiinut ilaapput Nunalerinermut Siunnersorteqarfik kiisalu Misileraavik Nunalerinermullu Atuarfik Upernaviarsummiittut. Nunalerinermut Siunnersorteqarfik aamma Misileraavik angusat tunngavigalugit isumaqatigiisummik ingerlanneqartalerumaarput. Nunalerinermut Atuarfik Ilinniartitaanermut Ilisimatusarnermullu Naalackersuisoqarfimmiit akisussaaffigineqalerumaarpoq. Tamakku kinguneriumaarpaat Nunalerineq pillugu Siunnersuisoqatigiit Naalackersuisunut siunnersuisuuneq kisiat ingerlannissaa. Allannguinerup taassuma kinguneranik Nunalerineq pillugu Siunnersuisoqatigiit atuuffia Aalisarnermut Siunnersuisoqatigiinnut kiisalu Piniarnermut Siunnersuisoqatigiinut sanilliunneqarsinnaalissaaq.

Taamatut oqaaseqarlunga allannguutissatut siunnersuut Inatsisartunut suliassanngortippara.